



Inatsisartut
Aningaasaqarnermut Akileraartarnermullu
Ataatsimiisitaliaq

UKA 15/23 ataatsimiititaliap apeqquteqaataanut akissut

Brevdato: 04-11-2015
Sags nr. 2015 - 1011
Dok. nr. 1476673

Aningaasaqarnermut- Akileraartarnermullu ataatsimiititaliap ulloq 31. oktober 2015 apeqquteqaamminut akissutisinissamik qinnuteqarpoq, inatsisissatut siunnersuummut immikkoortoq 1-ip qanoq ajunngitsorsiassaq suliffeqarfimmut akileraarnissamut taarsiullugu atuutsinneqalerpat, taamaaqataanik artukkiinnginnissaa qulakkeerneqar-sinnaanersoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Immikkoortoq 2-p ataani inatsisissatut siunnersuutip nalinginnaasumik erseqqissaataani, qulequttami "akileraanngikkallartitaaneq" allassimavoq, "Siunnersuut Inatsisartut inatsisaanni § 12-imut ataqatigiinnera isiginiarneqassasoq, - erngup nukinga atorlugu nukissiuuteqarnermut pilersuineramik atorluaaneq".

Inatsisartut inatsisaanni § 12, immikkoortoq 2-mi erngup nukinga atorlugu nukissiuuteqarnermut pilersuineq pillugu ima allassimasoqarpoq: "Nalunaarut akileraanngikkallartitaaneq immikkoortoq 1 naapertorlugu Naalakkersuisut ilisimatinneqassapput aningaasanut inatsimmi oqaasertaliinissamut pisussaaffilerneqarmata piffissami akuersissuteqarnissamut § 4, imm. 3 malillugu ilisimatitsissutigineqartoq.

Oqaasertaliinissamut tamatumunnga suliaqarnermut atatillugu Inatsisartut piumasaqaatinik aalajangersaasiorsinnaassapput, ilaatigut aalajangiinissap atuutilernissaanut aningaasaqarnikkut akileraanngikkallartitaanissaq pillugu. Inatsisissatut siunnersuutaasoq (UKA 15/23) aningaasaqarnikkut kingunerisinnaasaanik naliliinermi, periarfissaqarsimanngilaq siumut oqaatigeriissallugu piffissami maanna Inatsisartuusut oqaasertaliinissamik suliarineqarnerani iluanaarutissaq pisarnertut akileraarnikkut iluanaarutaasussamit appasinnerusoq akuerissaneraat imaluunniit akuerissannginneraat inassutigineqarnissaa.

Inussiarnersumik inuulluaqqusillunga


Vittus Qujaukitsoq



Aningaasaqarnermut Aatsitassanullu Naalakkersuisoq

Ulloq: 31. oktober 2015

J.nr.: 01.31.07-00023

UKA 2015/23-mut pingasunngornermi ulloq 5. november 2015, nal. 12.00 akisassatut Aningaasaqarnermut Akileraartarnermullu Ataatsimiititaliap apeqputai.

Aningaasaqarnermut Ataatsimiititaliap oqaaseqaatai apeqputaalu:

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisissaattut nr. xx, xx. xxx 2015-imeersussatut siunnersuummut Aningaasaqarnermut Ataatsimiititaliap apeqputai matumuuna nassiunneqarput.

Immikkoortoq siuliani taaneqartoq siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Taamaattumillu taanna pillugu ataatsimiititaliaq aappassaaneerinninnissamut isumaliutissiisuteqassaaq.

Tassunga ataallugu apeqputit uku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarput:

Aatsitassarsiornermut inatsit naapertorlugu akuersissutinut tunniunneqartunut maannakkut pisartutuulli assingusumik erngup nukissiornermut inatsit naapertorlugu akuersissutinut tunniunneqartuni ingerlatseqatigiiffinnut akileraarusiisarnermik taarsiisussamik akiliuteqartarnerup aalajangersaavigisinaanissaa periarfissinniarlugu akileraartarnermik inatsimmut allannguutissatut siunnersuummik saqqummiussinissaq UKA 2012/113-imi Inatsisartunit taparserneqarpoq.

Aalajangiiffigisassatut siunnersuummut siuliani taaneqartumut saqqummiussissummini 9. oktober 2012-imeersumi taamani suliaasaqarfimmud Naalakkersuisuusup erseqqissarpaa taamani ingerlatseqatigiiffiit akileraarutaannit appasinnerusumik akiliuteqartitsinissaq Naalakkersuisunit akuersaarneqanngitsoq. Taamaattumillu akiliutigisassaq minnerpaamik ingerlatseqatigiiffiit akileraarutaattut artukkiissasoq.

Taamani Inuussutissarsiornermut Ataatsimiititaliaasup taamatut piumasaqarneq isumaliutissiisummini assorsuaq pingaartippaa. Tassani allassimavoq tamanna ataatsimiititaliap oqaaseqaateqarnissamut tunngavissinngitsoq, tassa aalajangiiffigisassatut siunnersuutip kingunerimmagu akiliutit ingerlatseqatigiiffiit akileraarutaannut taartaasussat minnerpaamik taama annertutigisumik artukkiissasut.

Taama oqarneq Inuussutissarsiornermut Ataatsimiititaliap erngup nukingata innaallagissiornermut atorneqartarnera pillugu Inatsisartut inatsisissaattut siunnersuummik suliarinninneranut atatillugu taama oqarneq uteqqinneqarpoq (UPA 2014/134). Inuussutissarsiornermut Ataatsimiititaliami amerlanerussuteqartut Siumumeersut, Atassummeersut Demokraatineersullu isumaqarput akileraaruteqartitsinnginnissamut atatillugu akiliutit aalajangersarneqartut

akileraaruteqartitsisoqaraluarpat tassunga minnerpaamik assingusumik annertussuseqarnis-
saat pingaaruteqartoq.


Aalajangiinerup siuliani taaneqartup akileraarutinut tunngasortaata piviusunngortinneqarnis-
saa inatsisissatut siunnersuummi matumani immikkoortoq 1-ip siunertarigaa Naalakker-
suisut paasissutissiipput, siunnersuutilli matuma aningaasaqarnikkut kingunerisassai pillugit
Naalakkersuisut ima allapput:

”Akileraarusiinissap atorunnaarnissaa pillugu piffissami ungasinnerusumi isumaqa-
tigiissuteqartoqassappat tamanna pisortat iluanaarutit ilaannit pisassaasa (government
take) ikileriarnerannik amerleriarnerannillu kinguneqarsinnaavoq, isumaqatigiissu-
taasut imarisaasa ilusiligaanerisalu qanoq ittuuneri apeqqutaatillugit. Isertitassatigut
sunniutaasussat paasissutissat pigineqartut tunngavigalugit eqqoriarneqarsinnaan-
ngillat.”

Akiliutissat akileraaruteqartitsinnginnissamut atatillugu aalajangersarneqartussat akileraaru-
siinertulli minnerpaamik artukkiinissaannik piumasaqaatit siuliani taaneqartut siunnersuu-
tikkut eqquutsinneqarnersut siunnersuummi allassimannginnera siunnersuummik matumin-
nga siullermeerinninnermi apeqqutigineqarpoq. Suliassaqarfimmut Naalakkersuisup apeqqut
taanna siunnersuummik siullermeerinninnermi akisinnaanngilaa. Apeqqutip tamatuma
paasinarsisinneqarnissaa assorsuaq pingaaruteqartutut ataatsimiititaliamit isigineqarpoq,
tassa taanna akileraaruteqartitsinnginnissaq pillugu aalajangiinnermi sinaakkusiussatut
atugassaritanut piumasaqaatinullu immikkut ilaatinneqarmat.

Taamaattumillu akiliutissat ingerlatseqatigiiffiit akileraarutaannut taartaasussat minner-
paamik taama annertutigisumik artukkiinissaat siunnersuutip matuma immikkoortuatigut 1-
ikkut akileraaruteqartitsinnginnissamut tunngasukkut qanoq ililluni qulakkeerneqarnersoq
pillugu apeqqut allakkatigut akineqassasoq Aningaasaqarnermut Ataatsimiititaliamit
kissaatigineqarpoq. Akissut kingusinnerpaamik ull. 5. november 2015, nal. 12.00
nassiuteqquneqarpoq.

Med venlig hilsen



Jens Immanuelson
Formand for Finans- og Skatteudvalget